

Á bakhlið er mynd af fiskibát og áhöfn hans á veiðum, auk þess er talan 500 skráð í efra vinstra horn og neðra hægra horn bakhliðar seðilsins.

Þetta er almenningi gert kunnugt hér með.

Viðskiptamálaráðuneytið, 29. apríl 1968.

Gylfi Þ. Gíslason.

Lúðvík Gizurarson.

3. maí 1968.

Nr. 97.

REGLUGERÐ

um mynda- og kvikmyndatöku af örnum, fálkum, snæuglum og haftyrðlum.

1. gr.

Mynda- og kvikmyndataka af örnum, fálkum, snæuglum og haftyrðlum við hreiður þeirra er óheimil nema leyfis ráðuneytisins hafi verið aflað fyrirfram, að fenginni umsögn fuglafriðunarnefndar.

2. gr.

Dvöl við hreiður umræddra fugla vegna athugana á lifnaðarháttum þeirra, til upptöku á hljóðum þeirra eða í öðrum þeim tilgangi, sem ætla má að geti valdið óæskilegum truflunum, skal og háð leyfi hliðstæðu því, sem um ræðir í 1. gr.

3. gr.

Brot gegn ákvæðum reglugerðar þessarar varða sektum frá 2500—15 000 krónum.

4. gr.

Reglugerð þessi er sett samkvæmt heimild í 27. gr. laga nr. 33 1966. Öðlast hún þegar gildi og birtist hér með til leiðbeiningar öllum þeim, er hlut eiga að máli.

Menntamálaráðuneytið, 3. maí 1968.

Gylfi Þ. Gíslason.

Birgir Thorlacius.

29. apríl 1968.

Nr. 98.

AUGLÝSING

um umferð á Akureyri.

Að fengnum tillögum bæjarstjórnar Akureyrar og samkvæmt heimild í 65. gr. umferðarlaga, nr. 24 frá 2. maí 1958, hafa verið settar eftirfarandi reglur um umferð á Akureyri:

I. Aðalbrautir:

1. Hörgárbraut.
2. Glerárgata.
3. Skipagata frá húsinu nr. 8 að Hafnarstræti.

4. Hafnarstræti frá húsinu nr. 71 að Aðalstræti 16.
5. Aðalstræti frá húsinu nr. 16 til suðurs og Eyjafjarðarbraut allt að Austlandsvegi.
6. Strandgata austan Glerárgötu.
7. Norðurgata frá Strandgötu að Hjalteyrargötu.
8. Hjalteyrargata frá Strandgötu að Tryggvabraut.
9. Tryggvabraut frá Glerárgötu til austurs að Hjalteyrargötu.
10. Kaupvangsstræti frá Skipagötu að Þingvallastræti.
11. Þingvallastræti frá Kaupvangsstræti að Súluvegi. Umferð um Þingvallastræti skal þó vikja fyrir umferð um Þórunnarstræti.
12. Eyrarlandsvegur frá Kaupvangsstræti að Hrafnagilsstræti. Umferð um Eyrarlandsveg skal vikja fyrir umferð um Kaupvangsstræti.
13. Hrafnagilsstræti frá Eyrarlandsvegi að Byggðavegi.
14. Þórunnarstræti frá Glerárgötu að Hrafnagilsstræti.
15. Gránufélagssgata gagnvart umferð um Laxagötu og Hólabraut.

Götur, sem að aðalbrautum liggja eru við vegamótin merktar biðskyldu-
eða stöðvunarmerkjum.

II. Einstefnuakstur:

1. Gránufélagsgata frá Glerárgötu að Sjávangötu	austur
2. Eiðsvallagata	vestur
3. Fjólugata	austur
4. Eyrarvegur frá Glerárgötu að Hjalteyrargötu	austur
5. Lundargata	suður
6. Grundargata	suður
7. Hríseyjargata	norður
8. Kaldbaksgata frá Gránufélagsgötu að Strandgötu	suður
9. Laufásgata frá Strandgötu að Gránufélagsgötu	norður
10. Ránargata	norður
11. Ægisgata	suður
12. Hafnarstræti frá Ráðhústorgi að Hafnarstræti 39	suður
13. Ráðhústorg að norðan	vestur
Ráðhústorg að vestan	suður
Ráðhústorg að sunnan	austur
Ráðhústorg að austan	norður
14. Skipagata frá húsinu nr. 6 að Ráðhústorgi	norður
15. Geislagata frá Hólabraut að Gránufélagsgötu	norður
16. Hólabraut frá Gránufélagsgötu að Geislagötu	suður
17. Brekkugata	norður
18. Gilsbakkavegur	austur
19. Oddagata	vestur
20. Bjarmastígur frá efri mótum hennar og Oddeyrargötu að neðri mótum sömu gatna	austur og norður
21. Krabbastígur	vestur
22. Sniðgata	vestur
23. Munkaþverárstræti	norður
24. Helgamagrastræti	suður
25. Holtagata	norður
26. Hlíðargata	norður

- | | |
|---|--------|
| 27. Lögbergsgata frá Helgamagrastræti að Hlíðargötu | austur |
| 28. Lögbergsgata frá Oddeyrargötu að Hlíðargötu | vestur |
| 29. Skólástigur | austur |
| 30. Möðruvallastræti | suður |
| 31. Skipagata frá syðri mótum hennar og Hafnarstrætis að ytri mótum sömu vega (við Hafnarstræti 71) | norður |

Bannað er að leggja bifreiðum hægra megin á einstefnuakstursgötum.

III. Takmörkun á bifreiðastöðum.

- a. Bifreiðastöður eru bannaðar á eftirgreindum götum eða götuköflum:
1. Hörgárbraut.
 2. Glerárgötu.
 3. Skipagötu til suðurs frá húsinu nr. 8.
 4. Hafnarstræti til suðurs frá húsinu nr. 71 að undanskildum merktum stæðum við Samkomuhúsið.
 5. Aðalstræti frá húsinu nr. 16 til suðurs að Naustavegi að undanskildum merktum stæðum.
 6. Spítalavegi.
 7. Á öllum götum í Grófargili, sbr. þó III. b. hér á eftir.
 8. Á 20 metra svæði hjá öllum viðkomustöðum strætisvagna.
- b. Á effirtöldum stöðum eru bifreiðastöður takmarkaðar við 15 mínútur í einu á virkum dögum frá 9—19, nema á laugardögum kl. 9—13.
1. Hafnarstræti frá Kaupvangsstræti til suðurs að Hafnarstræti 82.
 2. Kaupvangsstræti frá húsi nr. 17 að húsi nr. 23 á suðurkanti göttunnar og á norðurkanti göttunnar milli Hafnarstrætis og Skipagötu.
 3. Ráðhústorgi að norðan, austan og sunnan.
 4. Skipagötu frá húsinu nr. 6 að Ráðhústorgi.

IV. Gjaldmælar.

Gjaldmælar fyrir bifreiðar hafa verið settir upp í Hafnarstræti milli Kaupvangsstrætis og Ráðhússtorgs.

V. Akstur á tveim akreinum.

Á Glerárgötu frá Glerá að Geislagötu 39.

Umferðarmerki verða sett upp í samræmi við auglýsingu þessa.

Eldri reglur og auglýsingar um umferð á Akureyri, sem brjóta í bága við reglur í auglýsingu þessari eru hér með felldar úr gildi.

Auglýsing þessi tekur gildi 26. maí 1968, kl. 6 árdegis.

Lögreglustjórinn á Akureyri, 29. apríl 1968

Ófeigur Eiríksson.